

洞漣漁人續集卷之九

華容孫宜

濟南邢侗

七言律詩

歲暮四首

歲暮天空景色寒，蕭條江閣一憑欄。
即從白髮添吟醜，不厭滄波混釣竿。
地遠蓬蒿惟閉寂，道存丘壑自尊安。
朱纓赤黻元俱分，可咲明時有鵝冠。

其二

簡性從知却謝偏，世緣塵業柰相牽。
喧啁強接鄉間

話整蕭勞通邑屨屨不分嘯歌遠阮興翻嗟城郭有
蘇田殘生氣力真能幾合在瀟湘萬里船

其三

北上關河歲儵移東歸衾枕病常携操觚俗業精思
斬攬卷殘經細讀遺老更逐群那免咲窮真緣數莫
須疑鹿門舊約妻孥在皓首龐公合並隨

其四

舊關方除結小堂擬便雲臥老羲皇浮名道路孤游
外懶興尊罍一榻旁盆竹裊春低自影檻梅舒臘細
能香情偏隘地聊容膝有客相期更此觴

獨酌有感

當年騰踏共青春獨步驂騑擬絕塵三策道途淹日
月萬峰丘壑傍荆榛虛名海內慚知己短髮天涯怯
對人潦倒世情堪一咲醉歌中夜莫辭頻

別墅池成作

平原樓閣俯郊墟喜見方池數畝餘落日雲霞饒泛
灩經年波浪有環紉閒身合遂張融舸生計行多范
蠡魚鰓把綸竿同釣叟狂歌先已動清虛

立春日

山郭江鄉春可憐苑梅簷竹倍相鮮浮名世路黃塵

通逝水年華白髮懸久分壯心隨豹隱自便佳興有
漁船玄峰墨頂烟蘿在一嘯蘇門合共傳

槐江謝子生日再壽

賓筵絃琯動華堂憶昨招要盛舉觴霜雪白頭催老
態風塵滄海逼年光花含秘苑春先報月傍嚴城夜
欲央人世幾何君半百好添杯酒共青陽

春日出部至山中簡劉子學文

前月出部風雨聲今月出部雲日晴溪烟曩曩午逾
好野鶴飛飛春更明不分嘯歌淹俗業自緣攀陟動
幽情青山祠墓相留地可厭芳壺一共傾

次韻明府李君春夕阻雨墨山館見懷二首

候館郊扉宿雨冥密烟寒意滿空連湘娥鼓瑟春多
怨山鬼吹燈夜有靈人愧草玄勞遠思宦當垂白恨
嚴程飛鳧畫鷁東來日野客蓬茆擬再經

其二

青春亭閣倚芳韶白日幽栖得地遙
江雨數來雲不散池流平起漲難消
高懷久愜蘇門嘯懶興猶傷粟
里腰東望墨峰俄霽景一尊長擬話空寥

五日諸君過園中作

候及東園物自華屬晴池閣更烟沙家人斷艾判行

露狂客分蒲樂泛霞難會酒筵聊得趣慣催時斜轉
堪嗟芳壺暫假同茲地興在清流競度笳

六日飲謝氏同劉君

時劉自山中
出因留宴

醉餘高興有淹留節後華筵倍燕遊風裊珮環清韻
出日移臺閣暝烟流深憐桂樹饒攀折尚喜蒲觴足
勸酬揮汗莫教辭毒暑脫巾須擬謝煩憂

兒億文試失選讀書白竹山堂寄此

青山白竹使君堂昨汝携書慰遁臧投策暗途曾漸
淚操觚流輩有文章齋居展卷宜相益世態關心且
自忘萬事好還吾稔見賦成終擬達明光

飲謝氏病酒後簡槐江子

老體林居過從便勝游當夏有招延揮觴每限孤尊
竭中酒那禁百罰先晴裡檻花供獨坐雨餘簷溜起
高眠勞生此物真堪斷定擬長齋繡佛前

兒億歸自竹圻值其誕辰諸客見過作

艾葉蒲花送晚香汝從齋閣拜吾堂青春酒翰才何
忝白壁違時價愈光留客酒斝來遠市避人鷗鷺起
橫塘謹筵可漫催遲暮江月城星夜未央

槐江謝君女誕日觴客贈此

槐江之居何者翁白頭懷抱悲謹中生兒垂老骨不

惡有女在怙情倍鍾蒲酒客親來誕候蕙帷慈母泣
飄蹤蕙葭綺席叨慚地共醉聊須慰鬢蓬

岳陽送兒入鄂

赤驥驂騮羨爾才碧霄常擬動秋雷揮毫竟阻明時
伎按劍何堪末路猜山館寄居增眷戀江亭爲別助
悲哀滄波白晝潛鱗起佇聽飛書八月來

病中寄兒

新秋波浪楚江催落日樓臺鄂渚迴天外偶淹兒棹
去病中那得爾書來關心夢寐惟相逐伏枕炎蒸合
自排小試一名如可遂計時先擬僕夫回

得兒億入試之報

獨舫遙憐鄂渚唵孤游常繫楚園心羸軀得路艱危
盡久病傳書慰藉深笳鼓畫闌薇省動旌旗秋影桂
宮陰詞場倘趣操觚伴努力賓筵盍此簪

送劉甥成親玉山

並馬衝寒白露中萬山懷玉楚雲東屏開孔雀禎祥
協簾引儀鳳唱和同久要弟兄期暫阻異鄉甥舅禮
須隆圖書館室言歸日滿路鶯花二月風

圃中新闢小池作

僻圃方池接廢城每憐波浪少環縈添脩石洞爲橋

並展就沙堤對閣平隨曲芰荷秋競出得寬鷗鷺晚
宜行耶溪鑑水慚吾似小艇聊憑泛獨醒

病後過竹圻先墓

碧山瑩墓寺宮西病起經過一杖藜萬壑暝烟浮野
動九原斜日向人低空傷劍鳥游魂杳苦憶風塵去
路迷短髮壯情吾已矣合從祠屋寄幽栖

謝南湖太守生日賦贈

領郡山川跡半多憂時霜雪鬢全皤陶公綠柳行將
隱謝傅蒼生當柰何壽酒北堂明曉霽舞衣南國競
冬和蘇門野客追歡地拄杖無嫌歲歲過

墨山亡友李君茔處有感

寒日淒雲倍寂寥墨峰玄頂鬱岩峩千章檜栢銘旌
颺萬里關河旅櫬遙新塚北風猿嘯夜舊游南紀鹿
鳴朝白頭死別傷心地忍對江湖續楚招

蕭君德聲納姬有贈

桃根桃葉記當年暮雨朝雲亦可憐青塚恨來空窈
窕紫蕭聲裡更嬋娟寫鴛鴦共逐湘臯水齒齒遙輝墨
頂烟老景鬢顛君自惜清風無厭北窓眠

冬夜過王子

雪館星河夜未闌霜天燈火氣猶寒招要數枉佳朋

興潦倒能留過客歡萬事詭形饒翹象百年浮跡半
風湍清尊可厭寰中樂皂帽應同物外間

立春日二首

冬晴轉覺寒威重臘盡俄還大地春塵裡道途其避
世鏡中霜雪慣隨人娟娟圃竹低墻細宛宛江梅出
岸新麟閣鳳圖休更卜止須長醉葛天民

其二

碧梅青柳共江潭流水年華迅莫堪老去尚須防市
虎病來無復夢朝驂菰蒲亂水寒侵榻松竹深林暖
結庵驟雪急風春漸解杖藜還擬石門南

贈賓陽謝翁得弓字

白髮巖栖謝康樂全身高鳥避良弓堂開永晝喧塵
靜樓倚初陽霽色融老興說辭傾一座盛時交誼走
群公亭亭玉樹干霄日始信堦除望不空

春日過南湖大夫別館

湖上茆堂卜築深城中冠蓋許相尋池塘謝草春初
變門徑王槐晝漸陰老景正須全獨樂芳壺聊得遂
同斟浮生五馬真何事看起沙亭續眺吟

園中雨日

苦雨經春只自寒乍晴池閣倍風湍臺臺欲起枝猶

重院樹新苞葉更殘饑數集鴉喧步履濕沾鳴鶴對
憑欄衰年可厭尊壘續遠客真辭道路難

過南湖大夫再作

懶散林居過從稀獨來高興每忘歸城春積雨沾猶
濕地晚浮烟望欲微人世舉杯增感慨宦情垂老罷
翻飛庭趨手訓諸賢在想見丹青願不違

謝時親課
諸子

過南湖大夫湖上

駟馬柴門數共來七賢尊酒更同開風波世路歸魂
定雲物山城落照催香送蕙蘭移曲渚影含樓閣見
荒臺衰容素髮相看並可厭浮生有限杯

春日石磯山

春遲月閏尚無花病起看春感物華騎馬獨來山畔
路聽鷺還歷渚邊沙磯深白石喧晴浪地暖紅桃爛
午霞老景出郊能幾得隔籬村酒倩誰賒

贈劉翁

山行累過東山側路轉溪迴見爾家世遠樓臺連棟
宇地幽門徑接桑麻輸先衆族惟官稅驗對孤尊有
歲華肯向竹林判酌酊不妨藜杖躡迳斜

春日郊行

久雨山城夜更風及晴寒日倍冥濛病來出郭期常

滯老去看春興每慵相映柳枝臨水密乍開桃葉帶
烟叢郊行野立經過地拄杖遲迴到暮鐘

春日出郭至竹圻山

懶游祠域罷登臨出郭沿郊柳乍侵三徑午風騎馬
到萬山斜日聽猿唵浮生白髮催長路病骨丹青失
壯心舊業一丘吾已定敢從人世角華簪

春日沱上田園

白水春風郭外村及晨騎馬更柴門經行綠樹沿溪
合注望黃沙接地昏將旱野田愁不種苦催官稅悵
猶繁荒原細雨農歌日潦倒先期共一罇

暮春郭外

暮春江郭送年華眺野眺春日易斜落絮已看收斷
柳晴光猶喜賸飛霞慚無一醉留郊景賴有孤舟泛
渚沙餘閏未窮還未夏

是年閏三月

晚風吹笛可忘家

園中牡丹歲各數十花是年頓減招南湖謝公
作

江城池閣牡丹園歲歲開花映綠罇止爲國姿今乍
減浪誇春色舊能繁當遲落寞蜂喧樹倚檻稀踈客
到門羯鼓尚期催白日羊車端擬坐黃昏

折牡丹贈謝作

欲要車馬共芳辰，祗爲名花惜暮春。
風雨一舟淹獨遠，雲霞千瓣落俱新。
摧殘正自傷憑檻，採折猶堪把贈人。
尚有餘姿扶綠葉，擬扳高閣坐嘉賓。

送張賁所按察歸永昌

南上旌麾萬里看，東來舟楫盛風湍。
高名共惜懸車早，直術誰非行路難。
唵閣晚依滇嶠靜，釣臺春倚浪沅閑。
時危轉覺滄洲穩，未老先公幾掛冠。

竹圻墓城送廖山人

並馬青山送客回，竹烟蘿日墓宮開。
晴天島嶼雙憑檻，勝地江湖一舉杯。
懷舊此情知各繫，探幽何計慰

重來荒祠古廟分岐處，悵望溪南落照催。

賦得程母貞訓

奉帚高賢雪未簪，白頭俄變絕絃唵。
冰霜闔外傳佳節，機杼人間識素箴。
庭樹晚垂叢桂影，野花春接芾棠陰。
揚名已慰先慈望，洒翰何孤太史心。

石山館送李考功年友赴揚州謫所

野館巖扉霧欲開，高原笳吹客同來。
烟花此去揚州地，雲樹長瞻楚帝臺。
白髮弟兄吾獨老，紫霄冠劍爾終偕。
相期李泌歸唐後，次第玄峰問酒杯。

飲蕭君德聲館中

每過堂齋興獨深更來朋舊酒重斟青天不動流雲
影白雪時傳隔座音多病舉杯消渴在壯遊回首歲
年侵飛泉折磴東山路墨頂玄峰次第尋

癸丑生日作

吾今行年四十七苦憶舊游強壯時勛業赤霄占獨
舉聲名滄海見雄詞蕭條短髮林丘共容易衰顏藥
物知何用白頭千氣象此身長健即仙姿

贈毛翁

南嶽先生海嶽姿壯游雙鬢忽成絲飛騰往日才何
忝流落當年世未知妙解谷神談裏聽恍驚山鬼嘯

中移同時紫綬皆黃土慚愧真翁百歲期

夏日諸君過園中二首

過雨池亭午驟涼倚風蘿竹夏偏長尊前短髮同衰
謝醉裏浮名是杳茫移席暝雲生畫障捲簾飛鷺起
滄浪休嗔露袒嘲詼劇自分狂夫老更狂

其二

紫極冠裳作賦賢玄都桃李種花年風雲壯氣嗟留
滯林壑高懷有靜便過喜舊游添老興暝愁斜日下
空烟盆荷圃菊行俱放潦倒無妨數此筵

坐沓西別業懷簡南湖謝公

負郭茅堂一徑通
渚烟溪日坐冥濛
瞻依五柳閒門
外想像孤亭亂水
中地僻儘便相過
近興來那得醉
游同當年文藻今
誰重合遣林丘眼
併空

得中丞少華許公書
兼辱序詩名製有感

岩峩華嶽俯雲烟
夢寐相看二十年
白雪已驚衰鬢
改素書俄假便風
傳文勞卜夏毛公
序調媿陽春郢
客篇欲報瓊琚無
以遂止令翹首向
西天

夏日別業

別業沿郊一徑深
傍溪亭閣慣相尋
田田浴鷺依青
荇樹樹鳴蟬噪綠
陰豐稔歲時人共
快蕭條霜雪鬢

全侵頻來廢酒因
脾濕野醕鄰酤合
暫斟

坐別業水車亭子作

漢陰丈人躬灌園
桔槔機事溪亭閒
年豐暫喜甘霖
足坐久真便老圃
閒貪數浴鷗來次
第笑看流水送
潺湲浮生擾擾吾
何事落日須拚一
醉還

水亭納涼作

三伏炎蒸逼蘊隆
水亭沙閣倍薰風
不嫌拄杖清郊
外自愛披襟白日
中香送稻苗俄遠
近影移蘋藻乍
西東何須赤脚尋
幽壑且漫清尊送
遠春

過墨山哭蕭君德音
兼示彥甥兄弟

墨頂玄峰此地偏放歌長嘯舊將傳同來勝蹟人何在乍對遺孤淚捻懸回首道途青鬢日關心兒女白頭年光輝正賴聯雙璧惻惻行知慰九泉

文昌宮別蔡生

野館青山對薜蘿別筵斜日動絃歌江湖此去滄波遠岐路相看白髮多病後故人惟石髓老來高興有烟簑期君更艤華容舫水閣沙亭得共過

周君世卿生日簡賦

江城秋色淨烟沙遲暮看君逼歲華青鬢拭來憐有雪白頭唿罷嘆無家朋車地寂空槐逕壽酒愁多負

菊花人世幾何吾共老隔籬杯醕莫辭賒

次韻酬別尚德符年友北上二首

竹梧臺閣自荒城多病歸依臥子荆剩有嘯訝聞日月寔慚聞達誤公卿追隨枉沐携舟興騰踏猶思入轂名四海深源吾已矣止憑崖壑寄餘生

尚詩有深源不起柰

蒼生之句

其二

江漢相過慰藉深驛亭分手倍離心風雲好去天邊關名價無慳席上珍槌楫渺茫迷逝舸別絃悽惻送鳴琴懸期楚岸烟花日定有湘魚故舊音

江館送德符

楚岸相逢共白頭
鄂中還憶少年游
旌旗日動薇花省
鼓角風闐桂樹洲
萬事此身歸隱遁
一罇何計慰
扳留烟波別館分
岐後惆悵仍懸北極愁

十日青湖山

嘉節無朋罷舉觴
出城風物更重陽
烟波翠竹浮山動
雨露黃花夾徑香
懷古眺游人幾逝
感時摧落鬢
先蒼溪行野立沾衣後
一醉閑愁合酒旁

是日過青湖嚴翁故居

白沙青竹帶烟迴
舊是嚴陵把釣臺
鳳字已荒題客

過羊裘無復聘書來
追遊少小俄今昔
洒淚丘園倍
草萊更倚萬峰淹
落日不堪啼鵙助悲哀

十二日白氏村居

虛從佳節慰登臨
更倚幽栖遂眺吟
波浪入秋寒場
篠風霜垂晚淨
溪林寒攀忍對黃花謝
感慨何堪白
髮侵醉把紫萸
浮綠醕要令時序有追尋

入岳陽板橋道中作

曉岸霜林隻騎來
野橋村市路平開
天晴轉覺松杉
麗雲起深盤
鶴鶴迴剩有樓臺
栖遠興可無烟月散
餘杯三湘七澤
微茫地擬放扁舟上斗回

過墨山懷蕭君德音

仄徑松杉望欲迷
高賢曾此寄幽栖
青春逝鳳冥冥
去翠壁哀猿夜夜啼
萬事止憑玄宰付
重來無復素交携
新阡塋骨知何地
忍見遺孤屬墓題

入岳陽途中感事

自我往來巴岳旁
隙駒籠鳥變風霜
雲霄樓閣常尊酒
湖海波濤幾釣航
長路斷蓬催白髮
虛名飄梗負青陽
烟篋霧笠還將日
合伴綸竿送渺茫

菱港早行

霜天欲明殊未明
寒客東游貪蚤征
近岸霏微馬並滑
過村歷亂雞初鳴
苦思朋舊共前好
正憶樓臺添遠情
但能一醉洞連岸
曳裾跋屐皆空名

冬日出部

入冬人事喜全稀
出部郊游幸不違
江日暝雲開曲岸
渚風喧漲下危磯
關河苦憶塵蹤遠
簪組長拚世念微
醉倚一丘歌白石
竹烟蘿月夜忘歸

安鄉晚過大城寺

草白沙黃岸宿烟
荒城遺寺古隄前
天垂梵月初過客
地隱祗林一問禪
淨土只須歸榻借
浮生無奈去途牽
倉皇更話高僧別
嘆世空悲有俗緣

讌壽過南湖謝翁草堂因憶翁吳京壽日

佳辰爲客記當年老景懸車重此筵綠野竟酬裴相
頽蒼生仍仰謝公賢新歡綵袖諸孫列雅興狂歌一
座傳觥棹况逢人在渚傾壺何惜酒如泉

至日

今年至日逢茲日乍起暄風易朔風霜雪水亭寒意
歛樓臺山郭霽烟重添催節叙人俱老苦病頭顱髮
半鬆幽壑自須長棄燼畏途何事更飄蓬

冬日過白子

出郭松蘿疊嶂扶銀鞍當險下平蕪沙明浦淑波全
殺門接漁樵地總孤貪假綠樽娛隱逸耻拋青鬢落
泥涂衰荷敗篠流連暮壑醕隣杯盡可呼

次日過左田別業

寒日溪村罷舉杯及晴風物快重來門堤鶴鶴盤空
去園徑松蘿隔舍迴習隱久拚人事棄尋幽聊避客
途催浮生白髮吾堪數敢厭頻過續舊醅

冬暮過劉翁山堂對月

南紀松梧獨草堂杖藜相過逼年芳千崖月色開冥
漠萬壑雲陰散眇坐數鬢顛添白髮醉看星斗下
滄浪同游壯氣俱衰謝可厭高談更舉觴

望鼎山簡劉翁

碧烟蒼霧晝常陰，象嶺鰲峰得地深。
歲久遺宮猶望犊，老來高興幾登臨。
振衣合遂青天嘯，拄杖須諧白石唵。
病體入春知矯健，勝遊窮日擬追尋。

文泉王翁得孫有贈

泉翁卜築泉源傍，素德清泉相映光。
鬢髮不同霜雪改，稀年還見子孫昌。
門容駟馬當時宅，手植三槐故老堂。
蹙借枕流娛一嘯，卽看繩武頌諸王。

送兒赴試澧州

汝病西游角藝年，吾衰東望洞漣船。
逢時白壁光應

達得路明珠價擬先，澧水况多蘭可賦。
泮樓兼有藥堪傳，青衿皂帽追隨暇。
叩舩無歌屈父篇。

馬伏波廟

伏波祠廟倚空山，駐馬雙崖得共攀。
香火石堂瞻露冕，勛名銅柱記征蠻。
頽垣虎豹啼深書，畫壁丹青失舊顏。
古柏寂憐多斬伐，合留遺迹壯人間。

送李安鄉奔喪吳中

南國衡廬草乍侵，北風湘鴈有哀音。
君親總繫移舟念，涕淚空懸臥轍心。
滾滾暮潮牛渚急，溶溶春浪馬當深。
相看白髮交情在，此去無忘憶舊唵。

園中簡謝大夫

簡懶經春少出門坐遲風雨欲黃昏蒼松拔地雲俱
暗紅藥當堦葉並翻負郭止嫌多二頃是時頗有對
田里之擾君何計倒孤罇浮生白髮還須趣有約期來共我園

甲寅生日簡謝大夫

白頭稱壽記年年尊酒茆堂更此筵何有文章驚薄
海竟無勛業重多賢青烟苑竹春初合赤日園葵午
乍鮮請向花間聊駐馬不妨潦倒醉中仙

園中雨日

向春池閣有晴曛入夏園齋更濕雲江雨乍看當檻

合渚雷先殷隔城聞添催饋餉軍符急潤助桑麻野
望分搔首欲寬青鬢雪杖藜還擬白鷗群

五日簡謝子

艾葉榴花處處鮮乍晴時物小堂前湘流古渡還多
競楚國忠魂亦可憐浮草細蒲懷並過堆盤新黍記
魯傳青山采石笙歌地甲辰歲事舊約無端倍愴然

六日過謝子

時有微月

乍暑園丘倍積陰偶來池閣淨煩襟星辰片月光齊
動雲霧遙天氣且沈佳節弟兄聊對醞舊游霜雪竟
盈簷山城鼓角嚴更夜暝樹栖鴉伴醉吟

園夜

江閣薰風入夜清
水亭斜日弄波明
栖烟暝破紅榴色
滴露高垂翠竹聲
行傍薜蘿迷曲徑
坐移星斗下空城
沙村短笛還堪戀
可厭芳壺次第傾

題張氏雙峰草堂

雙峰文信尚書隱見地

南嶽雙峰獨草堂
舊移門徑接滄浪
晴看霧雨爭迴合
暮對丹青峙杳茫
鳴世總留栖鳳穴
避時元有臥龍岡
期君蚤藉諸郎貴
日傍前山續壽觴

過劉氏別業二首

龍峰山頭雲霧陰
下有別業當幽深
客來盡踏松竹

徑地僻惟聞猿鳥音
迴谿瀉瀑濺白石
落日過雨沾青林
不緣隨俗蹙驅使
那得斗酒開煩襟

其二

東山草堂名姓留
傍崖更築茲堂幽
何人餐芝與共逝
有客伐木來相求
蘿日常垂几榻
蔭松風乍掃炎暑
收苦悲世慮有纏
糾騎馬月明空澗流

兒億校藝稍下慰此

潦倒掄材下等流
蕭條吾鬢光增秋
詩書可念勤周典
詞賦何緣重漢求
青鏡歲華元未改
赤霄身計莫頻憂
文窓學閣燃藜在
努力明時續校讎

簡南湖謝翁豫致別業之約

別業桑麻積水東幽栖茅屋徑全通向來舊約携樽
共老去高懷出郭慵沙浦倏喧菱荇雨野田常起稻
禾風招邀莫惜煩嘉客潦倒還期慰病翁

簡寄學海以其校藝稍挫

青春投策楚宮旁白壁明時價並光霜雪竟令催老
大雲霄何意失飛揚浮名顯晦無須計舊約登臨未
可忘去年曾有同登鼎崖之約剩喜過庭三鳳在綠簑期共把漁

航

謝子洪甫生日事阻未赴簡此

綠尊當夏綺筵開老大憐君白髮催病後藥囊聊不
廢酒邊花徑亦曾來纏身盡日嗟人事入手經年負
客杯衰鬢強看俱落莫杖藜何惜倒新醅

秋旱早行至研西別業

避暑經秋出尚稀趣涼垂露挹全微溪昏恰有蒼蘿
暗野霽還生赤日輝豐歉歲時頻入念靜便門徑蹇
留歸相過剩喜隣翁數一醉清尊興不違

秋日湖西別業

城隄蓼花無數明懶游吾亦便茲行過村每與嘆禾
稼憇墅聊復耽崖垆林風響樹熱不洩湖日蕩水波

常晴醉歸只妨惱僮僕坐待蕪葭新月生日燕水好

秋原祠屋倚崇岡露栢風槐接廢墻歲久衣冠饒寂

寞神來旌旒倏飛揚貪趨表鎮雄三楚苦憶明裡動

一方東望渚田惟赤日欲祈靈雨霈五湘野門野

秋早早前主西西賦業

秋早早前主西西賦業

秋早早前主西西賦業

秋早早前主西西賦業

秋早早前主西西賦業

洞連漁人續集卷之九終

洞連漁人續集卷之十

華容孫宜仲可著

濟南邢侗子愿選

七言律詩

早後至竹圻別業因過蔡翁

早久園林過雨來野田禾稼捻秋萊傷時白髮綠誰
慰盡日清罇向客開相映暝雲談欲減乍添高漲坐
俱回浮生潦倒板留地一咲沙村月滿臺

宿竹圻別業

苦旱經秋綠竹村萬山雲霧隱黃昏散觴野老貪留

續集卷十
席豺扁家人早閉門暗起集鷗辭漲去倏驚棲鶴避
風喧虛堂永夜偏無寐慚愧勞生世慮繁

岳州

赤霄樓閣帶孤城白石波濤楚岸平泛海竟違它日
志浮湘增嘆古人情天寒岳渚蛟龍氣地晚巴丘鶴
鶴聲惆悵勝游茲興別嘯歌還擬共閒盟

大汜店

湖夜雙燈倚碧湍夜堂秋色易生寒孤蹤莫遂滄洲
穩萬事何由白髮寬行傍荻蘆當岸圻坐移星斗向
雲殘倉皇此地須明發尚擬憑高一嘯還

送監察陳君還南臺

南下旌旄更北來西巡舟楫倏東回風霜繡斧瞻吳
甸沔漢瑤華憶楚臺環海捷書秋不報敷天供餉晚
仍催安危社稷須公等此去無孤攬轡才

贈縣令曾君牙章石印戲柬

馴齒堅瑰價並儲贈貽聊欲比瓊琚良工巧琢諸形
備故老親携萬里餘即擬姓名垂鳥篆更便沔海託
魚書彤闈紫闥聯鸞近話舊無令尺素虛

九日園中酒集

久病佳辰出郡違舊游車馬更柴扉深杯紫菊雲齊

爛短髮黃冠雪浪稀逝水歲年愁不待夾城風雨合
無歸青山節候明猶是擬共登臨送落暉

九日園中酒集用周韻

秋城風雨易生涼令節招要幸此堂匝地渚雲饒黯
黯倒園湖日倍蒼蒼衰殘共惜新黃色爛熳猶遲細
菊香人世幾何頭並白合從歌舞喚愁腸

留別胥君季明

彭蠡風波解棹餘青春天岳重懸車機心久共湘臯
息咍興聊從澤畔舒訪舊尊壘添悵快過江舟楫倍
躊躇雙魚獨鴈元無滯可惜臨流數寄書

城陵磯留宿鐘氏贈別鐘生兄弟

水村江市隱寒沙夜榻清尊一醉賒月傍霽雲開島
色霜添游鬢惜年華新知感慨臨流奏舊約遲迴訪
雪槎歸憶渚宮留客地合疑巴岳是天涯

自岳歸途中戲作

野客遙將白雪篇邦侯敦禮重才賢虛令後進群咻
被實遣高文合群傳樓閣有時回去日風波無恙渡
歸船沙村渚市明燈夜潦倒尊壘一笑前

宿戴氏山堂

萬山崖壑一燈明野客冬游共宿情天遠星河晴有

象地高梧竹暮偏聲風塵苦憶丹青阻霜雪何堪白
髮生慚愧勞勞不成寐隔溪鐘鼓坐來鳴

過李峨峰樓居

地古山環石徑幽萬峰雲霧見山樓憑軒檜柏開新
障出澗笙竽咽瞑流無用一官縻白首自便孤嘯發
丹丘浮生汗漫催歸騎尚擬清罇竟日留

過按察周公墓

松杉日落倚崇岡蘿竹冬深抱古堂未逝衣冠增悵
快重來人代有輝光臺銜石碣臨風圮屋扁璇題閱
歲荒白髮自令悲老大青山何意共蒼茫

石渠墓域別諸君

訪寺松杉共石林入祠冠蓋盍瑤簪寒天白髮歸心
劇近地青山別思深苦憶舊游車蹔駐欲留豪興酒
重斟春風草色長岡路擬更吹簫上碧岑

荅安公成子寓石首懷寄

近客陽岐棹欲回荒城玄頂雪初開荆巴寔悵三年
別江漢俄驚一鴈來獻策擬趨東閣地請纓期上朔
方臺春風浦水烟花日合倚郊亭屬餞杯

成書言明年欲獻破

胡策北上

除夕二首

雪霜素髮悲時去，梅柳青陽逼歲除。久別弟兄稀見
面，故交賓從幾傳書。駸駸隱計三湘外，擾擾浮生萬
事餘。一笑自便娛老興，孤蹤常擬伴幽居。

其二

臨除絃管自紛紛，風雨江城夜更聞。新歲幾逢天地
轉，舊遊常是鹿麋群。雲烟世態驚心變，魍象人情覆
手分。五嶽暫應稽向子，三山終擬問茆君。

元日

新年雨雪亦太劇，酒榼侵堦無那愁。對客屢綦從自
懶，避人門巷任渠幽。摧殘短鬢星星見，迅速長江日

日流人世幾何行，半百入唇緣底廢陰甌。

寄張子玉年友

遠別關河恨幾迴，舊遊書札計頻來。懷人不廢張衡
咏，爲吏應占宓子才。白髮素心從自懶，黃塵滄海望
難開。逢時攬轡澄清地，擬報花驄遍九垓。

謝道甫臥病齋閣兼有懷弟之感簡問

汝病淹留逼歲春，白頭懷弟更傷神。連隅乍撫田荆
額，池上空瞻謝草新。萬事已知前劫定，一杯無惜後
遊頻。東歸况有懸車客，擬共鶯花曲水濱。

送吳典史奔喪

海內儲胥嘆楚供河南聲價有吳公郊原麥稔民歌
在帟幕蓮花吏輿蝸歸去路岐過夏口到來鄉土望
閩中荒廬古木啼烏夜想見愁顏對北風

東園牡丹盛開適有倭寇調兵經邑之擾臨賦

二首

花時風雨舊多陰春色今年倍賞驗即恐國香隨落
日忍添人事擣憂襟喧催鼓角雲霞放爛映旌旗錦
繡深塵世要令嘉興在百杯燒燭夜還斟

其二

候及吾園每自花乍晴當檻眺尤賒和烟巧綴丹樓

重裛露高承翠掌斜迅速帟符驚海岸繽紛蠶跡詫
江沙勞生白髮綠誰尉尚擬要賓共物華

兵過後同諸君看牡丹作

亂後遲堦倍晚芳花前罇俎共春光叅差翠萼雲俱
映嬾娜丹葩兩自香留客尚愁遠樂土是時調兵感
僅過其半

送彭石樓宣慰征倭浙中

北風符檄九江來南下波濤萬里開筐篚合看通日
本旌旗寧遣蔽天台當樓霧樹窺辰砦背郭烟花照
楚臺遙聽凱歌朱夏切豫期高讌綠罇偕

牡丹盛開以善大夫以病不與邀賞折花賦贈
簡懶逢春病起遲招要城郭負花時情緣候客常依
檻意不懷人豈厭卮剩恐遲堦辭暮景即拚風雨折
餘枝銅瓶興在如堪翫強對雲霞榻暫移

次韻別駕李君春暮書感

汜鄉鳴雨屬春寒山市飛花向晚殘青鏡雪霜人共
改紫霄樓閣興初闌鯨鯢目送殊方窟鴛鴦心馳合
殿班囊穎即從宸宇脫劍光先傍斗牛看

蔡中夫授經道觀賦贈

道院仙壇白日長六經多士儼趨蹌開門桃李俱成

樹入室芝蘭倍有香盤昔暫同甘寂寞杖藜深喜借
輝光青宮授講他年事會捧天書坐禁堂

生日作

行年五十驚衰醜五十相看僅一年朱紱道途塵裡
倦白頭霜雪鏡中懸飛騰世事元誰定棄置吾生止
自便莫咲隱君多寂寞抱孫兼得伴林泉

五日與兄

五日常年霽景稀今年今日倍晴暉關河旅鴈愁初
減鄉土原鴿願不違新黍照盤娛令節細蒲浮傘共
慈闈汜城鼓角鳴橈夕爛醉還應並馬歸

五日書感再作

五月五日端陽辰四十八年多病身步逐競舟人漸
老醉添揮醖興徒新深防節叙供衰颯實被文章笑
隱淪塵世但留豪氣在細蒲芳醕莫辭頻

別業作

松竹圍墻柳覆渠烟霞當戶水侵廬行搔短髮孤罇
後坐嘯匡牀五月餘漸喜有秋供歲計只便無事惱
林居干戈近報東南息老興田園合更舒

題蕭翁山居和韻

玄峰墨頂環精廬葛巾野服君卜居洞雲蘿竹有杖

屨崖石芝菌堪斂蔬妙旨長生倍心契嘉言滿壁皆
手書結隣久擬偕杜若題柱尚媿淹相如

過墨峰蕭氏山中再韻

白石松蘿有故廬清溪門巷是幽居懷賢恨在空杯

酒留客情親尚圃蔬欲訪洞樓緣馬癡山側有石洞上下皆虛若

樓馬魯題崖觀待鵝書扁舟老興重游在夜雪山陰恣
所如

過謝洪甫墓

萬樹愁雲倍寂寥青山俄此墓瓊瑤泉臺宿草封難
啓汪漢游魂去不招徒有一哀同永慕謝有一妾二子止留

孤榻伴中宵謝數過我園同起宿焉經行故舊瞻依地落日荒墟恨獨饒

寄別給諫李君用韻李滇人先大人所簡士也時以奉使過華容

當年文藻重黔陽死別知音倍杳茫一命偶辭天北極孤槎遙歷地南邦深杯雨泣懷賢淚遠道雲牽憶舊腸淪落自甘丘壑共謔譏期爲簡書忙

寄壽橫溪蕭翁

橫溪之居七十翁壯年文價五湖雄行牽杖履沙邊月坐嘯綸竿石上風娛綵浸看朱紱繼封章端見紫

泥重舊遊次第霜毛盛洛社香山會擬同

郡公以文事招致晚行菱港作

石門相望汜河濱古岸蕪葭落日新雲起北風初進舸月生南浦漸依人頻煩簡札勞賢牧虛薄文章媿上賓覽岳未容違壯觀浮湘聊擬賦靈均

到岳呈李大夫

西江迢遞聘舟催南斗微茫捧檄來彤瑄綴文淹晝夜赤霄張讌俯塵埃真懷麗益資明澤那有雕鏤飾廢材蘭舫錦帆俱忝竊秋風回首戀章臺

呂仙亭同李大夫姜按察

續集卷十
駟馬千旄讌客來孤城亭閣向雲開虛陪攬轡中朝
士寔媿浮湘太史才搖日九江秋水動倚風千樹晚
涼回憑高欲問仙人迹悵望遺宮倍草萊

岳陽樓成晚眺作

返照浮烟萬樹重赤霄樓閣坐來空天垂島嶼波平
護地接星河影並通新有落成傳頌述媿無携眺慰
從容關山南北風塵在望國憑軒尚擬同

臨江驛與兒億入楚舟楫相左書懷

畫舫青簾望岳回赤霄黃鶴憶渠來薰葭驛路愁相
左波浪湖津悵獨哀三策歲年留按劍一鳴風雨待

驚雷扶持病體今猶怯藥裹高秋莫厭開

洞連月夕舟行

碧波洪漲接遙城南下高秋放舸輕月傍九江天共
色風回三峽浪齊聲空濛自識滄溟趣浩渺徒懸白
髮情夜半扣舷時一曲真成漁父洞連行

城陵磯月夕

暫艤江程候信風偶經沙月對涼空秋澄蜀漲輝瑤
海夜爭湘雲辨墨峰近市酒來雙漿急隔船人話五
更同何須解纜愁昏黑已見朝霞閃閃紅

大江鋪舟行至臨江驛

瀝瀕瀟湘積水連驛舟安穩便風前
五行伐鼓人虛避野飯經晨火未
然依漲白鷗危自起被衝青柳濕
猶眠倉皇候館催行地共是浮生
素髮年

西禪寺觀音閣初成陟眺

想像珠宮有劫灰登臨瑤閣俯荒
臺烟浮色相三天出雲裊攔干四
日開僧力倍緣知久定禪心聊擬
寄長齋曹溪鷲嶺皆娛日向晚鐘
聲送客回

中秋夜簡周子

近圃高秋月自圓感時佳節望同
懸瀟湘水去仍浮地衡岳雲生不
礙天漸有雪霜明素髮竟無賓客
對

華筵山樓夜半還吹角海寇軍聲
倍愴然

十六夜園中酒集

滿月中秋尚不殊綠尊當夜故人
俱清流苑閣光遲映寒溢松筠響
漸輸拚飲寔緣衰鬢改散愁那遣
劇談拘休嗟令節拔留後歲晚飄
零止重呼

乙卯內人生日作

忽漫吾生五十隣汝今四十八年
身雪霜鬢髮垂肩共兒女階除獻
壽勺但有文章堪傍老縱無鐘鼎
莫言貧龐耕冀餉還他日得遂齊
眉即勝人

秋日出部因過白翁

是時白子居旦予子斯億皆落名省闈

自秋返郡多煩憂近郭天晴聊快游湖日蒼涼動遠
水林花黯澹明荒丘苦緣酩酊高懷繫無用飛騰俗
念留翠竹白沙江月好出門騎馬共棲鷗

九日文僖黎尚書墓山二首

寒天賓客酒同來近郭祠宮接廢臺古屋棟梁惟薜
荔豐碑文字有蒿萊真緣馬鬣心俱恨何必牛山淚
始哀斜日亂峰猿嘯罷放歌憐悵隔村回

其二

留滯多愁強自寬登臨佳節暫同歡風霜落木飛偏
肅江漢驚濤咽並寒黃綬喜諧彭澤醜白頭羞正杜

陵冠浮生代謝湏吏事傍岸維舟一嘯還

自黎山再登章華臺二首

九日孤城並馬來勝游高興却登臺雲沙複道叅差
廢霧樹離宮次第霾逝水咲看時序改舞筵愁近薜
蘿開憑凌更問襄王迹巫峽秋濤滾滾哀

其二

當年錦纜細腰宮此日登臨返照中臺殿晚楓漁火
集旌旗秋草獵原空淒涼總益沾衣淚颯沓頻回落
帽風更把紫萸推老健白頭吾醉且拚重

和荅南湖大夫九日臥病之作二首

常年九日皆風雨九日今年霽景殊暫假一罇同野
讌正憐多病滯郊居高情伏枕悠悠繫怪事憑空咄
咄書黃菊紫萸明歲在勝遊藜杖擬借予

其二

蜀川閩嶠共他鄉每憶嘉辰咲舉觴紫蓋倦游歸恰
逐白頭垂老病差強飛騰勝事終難廢牢落端居止
漫傷風日小園秋尚好豫拚留飲醉無妨

送公安成子自省闈還教荆藩却更赴鄂

南上衣冠角藝行北風舟楫掛帆輕逢時白璧千金
賦失路丹霄萬里情道館晝移遼國仗詞源秋湧蜀

江聲知君謙醴王門後定有文章動鄂城

送徐希伯司訓南昌

南浦烟波接豫章西山雲氣裊宮墻君才白髮元非
晚吾道青毡倍有光下榻禮應延孺子揮毫文擬賦
滕王湘魚鄱鴈關河近東望音書數草堂

題楊山人鹿角隱居遺卷

卷有先大人題詠

山行曾過鹿門居萬壑登臨楚望餘
及徑雨寒惟木石到江雲去有衡廬
高風寂寞人間世往迹荒涼卷裡書
塵路未容淹老大道心終擬寄清虛

圃中對雪作

續集卷十
仲冬此日同雲布墜雪飄風時颯然堪訝暖容暄近
臘始援寒意欲占年娟娟故着脩廊外裊裊還吹曲
檻前更有高歌堪遣興百壺那惜酒如泉

乙卯兄壽日作

仲冬今日天日晴朱門甲第朝暉生乍看壽酒來簪
弁新有歸田荷聖明玉樹絢添飛雨色綵衣深慰望
雲情玄峰白石幽栖定歲歲相期弟勸兄

送朱劉二友會試

風塵輦鼓動王畿書劍關河老客衣三策汝瞻翔鳳
闕百年吾有釣魚磯同雲白雪寒逾密落木黃沙影

共徵莫謂紫泥相寄遠好音須及鴈南飛

石山館送亡弟歸塋留宿作

空山落日下岵巖別館明燈對寂寥乍響亂楓還絕
壁獨傳哀鶴倍中宵何緣棗萼同時盛詎擬荆花及
蚤彫馬鬣白今期不朽鶴原終古恨難銷

再視弟墓有感

風雪山均葉並稀墳笮庭次願中違高墳漸睹麒麟
臥古屋新看鳥鵲飛回憶盛彊同過隙經行蕭瑟重
沾衣三槐幸藉前休在一綫無嗟後嗣微

過劉學濟前溪書屋

山下溪泉曲曲深舊時門巷接溪陰晴攀桂樹滄流
映暮採蘭花白露侵嘆世且寬浮海興乘時終慰濟
川心經過六籍潛脩地觴酒元非戀醉吟

立春日黎氏新樓酒集

春盤春菜細生春笳鼓山城晝景新忽有樓臺舒遠
目不辭餽醕共佳辰泥融露砌墻過徑柳發烟欄樹
接隣人事物華俱瞬息百壺傾倒莫言頻

石山視亡弟墓晚過延壽寺

門徑千畦共鬱葱蒿萊孤塚邊巖從山村日落聞啼
鳥野寺天寒起報鍾老去自慚歸定晚愁來還憶在

原同叅禪問法高僧地相送祇林月滿松

春日園中懷謝周二友

新春風雨韶華遲翠柳紅桃俄並垂遠道驅車總愁
汝故園開尊將對誰豪來苦憶經過伴病起常懷問
訊時世路茫茫竟何定白頭三徑期相隨

春園雨日簡謝大夫

病後園扉尚寂寥雨來池閣轉蕭騷新松不動寒初
色細柳猶遲臘盡條相映渚雲迷日起暫開城霧倚
風消階蘭砌藥俱堪待豫擬清壺次第招

和南湖大夫苦雨之韻

元正雨雪過人日春意那令在野知寒色對江舒柳
緩暝烟輝塢放桃遲肩輿地主迎時路步履田翁醉
後泥韶景尚看強半是綠尊期共慰顰眉

送羅戶部使川黔

西上旌旄萬里餘南來風雨暫停車驅馳捻繫官程
遠潦倒深妨客興舒三峽地晴灘響落五華天淨瘴
烟除遐陬蚤慰燕連望前席無令漢殿虛

同王禹夫過觀中

歲久松梧觀殿留春深蘿竹洞門幽雲浮翠蘚金鑪
潤雨過玄宮石磬流世態紛緣塵裏厭道心聊向靜

中求陰符滿篋高談罷落日蒼茫杜若洲

寄贈王瑞夫授經岳城寺

上卿鄉井舊知名古寺樓臺近對城春誦佛筵雙樹
合夜讎僧院一燈明精英武穆瞻遺迹韜策文中重
太平佇擬櫟樟登用切即看桃李化功成

過黎翁山居賦贈

入徑松杉萬樹幽到門烟水一溪流高談舊興空浮
蟻並坐閒情有集鷗垂老歲年惟服食避人踪跡是
林丘瓊枝玉樹諸賢在殿策官傳次第收

圓覺廢寺訪僧不遇

寺有古井

欲訪遺宮雨不開
乍攀幽徑客同來
虛堂歲久虫書
壁廢殿春深
鳥傍臺厨井
佛泉晴自泛
錫園僧話午
稀陪長貧寂境
凡心住苦爲
浮生特騎回

謝子同甫宅問病作

春游文酒共黃昏
永晝相過更此尊
豈爲報書妨酌

酄是日岳守李君書至

不綵扶病失飛翻
窓開霽日明通圃
市

遠閒居靜閉門
衾枕倘辭雙足健
百壺還擬坐吾園

春暮過石磯山堂

萬樹名山舊草堂
洽旬山雨淨年芳
青春杜曲經過
阻白髮文園著述
荒風際野磬垂露
散烟中池荇引

流長平坡綠蔭南
董逼尚擬披襟坐
午涼

初夏別業亭上同黎翁

綠樹園亭碧水分
曉烟晴旭自氤氳
擎風渚芰駸駸
長過雨農歌處處
聞未解隱憂滄海
畔且忘機事白
鷗群桑麻有客能
相話一醉無嫌坐
夕曛

大水石山登望

近暑淫霖且自強
隔湖洪漲竟誰防
千家野哭空禾
黍六月江行有雪
霜何計息戈清瀚
海不堪供餉逼
窮荒登臨楚岸傷
心地日落天高是
帝鄉

用韻再別謝道甫兼懷少華許師及先大人諸

同朝

鼓角驚翻浙海波
綸竿期共楚江蓑
西京別路俄關隴
南國離心竟薜蘿
三載臥龍知已在一
官司馬故人多
重遊未擬論交日
相送寧無憶舊歌

簡吳子

北上風雲屬望餘
南歸鄉土倍離居
旌旗白日千軍橫
波浪洪河一水紉
蕭瑟總看吾鬢改
飛揚終擬客懷舒
沙平潦減五城後
試聽東園有報書

張子將有望江之後過訪贈作

風雪燕遊夏始還
廢臺遺殿重躋攀
天涯白髮元相

偏世路青毡且自閑
談對墨峰舒別恨
望窮瀟嶽動愁顏
聲名即擬三吳上
書札寧忘一水間

水後值旱過別業作

有田逢水復逢乾
白髮蕭條綠野間
行傍桔槔衝熱去
坐湏雷雨向晴看
三秋舊業應全盛
萬事多情且自寬
老體頗強藜杖在
出郊吾擬日盤桓

送張子領教望江

南國還家尚黑頭
西風携棹已清秋
三吳地近便爲別
六代文多羨有遊
高閣迴當舒郡起
大江深遶孟臺流
絃歌莫惜尋常被
桃李終看次第收

苦旱田中作

家家苦旱桔槔聲處處荒田杖屨情
昔日有時飛白鷺憂天何計爲蒼生
風驅七澤蒸雲散水落三湘漲潦平
老景自傷逢世難况聞寰海未休兵

避暑觀中

前月到觀洪潦聲今月到觀蒸雲生
團風綠樹午逾好背日蒼筠秋自清
狂客短衣從放浪道人香飯有招迎
文園敢望金莖露暫解相如病渴情

驛亭送劉丞

江漢西風落木初
牂牁南上掛冠餘
滄波別路雲俱

遠白髮交情日漸疎
歸去夜郎無二頃
到來春水待雙魚
郵亭綠酒離歌後
安得從君共卜居

和韻謝子見酬相訪不值之作

渚宮茆屋倚城隈
扶杖曾緣謝監來
花徑有人時不掃
藥囊多病日常開
蕭條白髮愁兼繫
潦倒清罇興合催
暫阻嘯雲淹逸響
即期唵草共高材

送程廷韶赴瑞金令

萬方兵甲路難通
君去安流信北風
別興渺隨彭澤鴈
飛聲先擬漢臺駘
絃歌白晝漸濡化
圖史青藜著述功
談易會能知管輅
草玄真媿序揚雄

續集卷十
秋晴沱西別業

杪夏藜床徑樹中入秋蘿日渚亭東經晴雨澤終難
久苦旱桑麻盡不豐扶杖有時看拾稔腰鎌隨處起
飛蟲征求未報西南靜况睹旌旗瀚海同

壽姑氏毛太君因憶先大夫作

仙翁身去已卅丘阿母筵開恰素秋相宅久諧男子
慶貽家端有丈夫謀高堂骨肉看誰在暮景桑榆願
爾留拜壽每慚情不盡懷親重遣淚交流

丙辰內人生日作是年予復有孫

去年汝年四十八愁思相携坐鹿門天地忽看增歲

叙階除還見有蘭蓀青山暮景懸樛木白髮秋霜映
瓦盆人世幾酬偕老願吾今長擬共需園

九日沱西別業同蔡子中夫

出郭田園傍水陰憑高冠蓋慰追尋松林坐蔭衣裳
冷竹徑行穿霧雨深霜雪竟憐容鬢改江湖誰耐歲
時侵悲風落木蕭條地欲折茱萸思不禁

九日同蔡子至石磯視弟墓作

近郭樓臺接廢津窮秋時序俯城闔愁深雨露霾孤
塚興盡茱萸少一人天地遽看同逝水江山何限欲
沾巾殘花剩醕流連后落日浮烟徧野新

簡謝大夫

竹梧池館放舟同病起經旬乍北風鄉訟土田違曲
折野情觴豆失從容霜飄鏡浦黃花艷雨濕亭溪翠
篠重臥雪自應其洛下願廬誰解問隆中

七言長律

侍御荆南陳君擇配華容允諧鸞續長律三十

韻致慶

畫樓遲日綺筵張銀燭飄烟繡幕旁花隱賜衣明
豸水含流荇出窻鴛鴦金屏孔雀圖偏中錦字青鸞報
已詳霧葆降時紛嬾娜霓旌來處總悠颺春調鴈瑟

和佳配畫倚烏臺關洞房王謝族繇雄閎閱朱陳婚
就接封疆簫閑集鳳情雙澹渚渡牽牛盼兩忘月寢
舊棲誇逸女天台新會憶仙郎從知擬雪才超駕不
似行雲事杳茫唵罷白頭憐比翼倡餘丹穴共儀凰
龍乘著姓人非偶鵬起溟池運忽昌伯玉美傳容擅
晉獨孤賢有譽歸唐都亭氣節埋輪壯海宇手裁攬
轡揚德邵阿翁推泰嶽位高諸壻羨汾陽據床早愜
奇東坦歛袂偕思奉北堂邂逅謇脩勞解佩逢迎文
定肅爲梁應沾逮下同樛木莫惜躬勤訓執筐奕葉
畹蘭符夢卜連枝連桂怯摧戕翟冠賴映楓宸渥驄

馬拚隨柏府霜案歇孟光仍待舉眉慚張敞竟慵粧
鹿門並逝占龐老鮐背齊年望楚姜隆慶本由天作
合徽音聊與婦增芳歌鐘絡繹催供饌絃管脛闐鞞
捧觴誰駐彩軒留傅姥敬趨瑤珮列嬪嬙寒攀蘿鷲
俱千尺藉庇薰葭盡一方久詠國風先窈窕即憑家
讌協禎祥章華自此添名勝鄆郢還今看頡頏何用
館甥求貳室絕殊爰女及他鄉官堤柳色歸裝便帝
里鸞聲引旆長黃誥紫泥瞻再錫奏書端想達巖廊
洞連漁人續集卷之十終

洞連漁人續集卷之十一

華容孫宜仲可著

濟南邢侗子愿選

五言絕句

春日酬王子柏酒之惠

柏酒勞君致椒盤勝我同一觴還一咏留醉與山公
畫三首

山中日正長洞裡睡方穩天地一大夢道人幾時醒
其二

駘蕩春來景青山晝自烟馬行溪樹裏人度野橋邊

其二

連江碧樹淨隔岸青山杳孤舟日何事坐看飛鴻小
謝子招爲月下之飲豫致促瓜之約口占絕句
有約池塘夜清尊共物華秋風消渴在可乏邵平瓜
新春風雨簡白翁

簡王子

山下孤村路春來十日泥桃花聞漸發應遣釣舟迷
欲訪城南觀無人却並遊期君一把袂長嘯入丹丘
池上絕句

浩渺方塘水迴波接輞川因風時一到繫馬綠楊前

其二

放鴨時教去看魚日愛留野翁機事靜即此是沙鷗

其三

赤日湖西地黃塵野外田桔槔無着此留泛打魚船

其四

岸相年深禿堤楊歲旱枯豎屏圍野照移榻待村酌
七言絕句

石山視亡女葬處

斜日青山不見人空餘烟草宿殘春玉錢錦祿埋魂
地那得金輪現爾身

苦旱十五絕句

赤日驕騰旱氣浮，紫霄明滅火雲流。
江湖勺水終難貯，禾黍群生定不謀。

其二

苦旱千林盡，烈風青天樓觀鬱。
雲虹虛傳楚澤均，優渥剩有周諶泣。
蘊隆

其三

五漢蒸雲突自峰，赤霞長日絢遙空。
驚雷慣阻陳儂廟，密雨勞瞻楚帝宮。

其四

龍起湘潭掛石門，黑雲拖雨過山村。
橫窓忽訝妖蜺截，繞地虛看迅電奔。

其五

山郭千家綠樹樓，江村如案接平疇。
正須野水添田水，可柰晴鳩喚雨鳩。

其六

避暑東園暑更增，扶桑無影日華升。
揮觴莫遂孤陰興，踏壑難逢六月冰。

其七

北伐干戈急，備胡南征兵甲尚。
飛符遙聞赤旱通，寢

海轉見蒼生困夙連

其八

舊稅新輸一併征折征俄見羽書行
敷天旱暵堪愁死何地黔黎可樂生

其九

縣吏行雩徧九街諸生奔走倍塵埃
吹笳擊鼓祈何切掣電鳴雷望不來

其十

舊業桑麻盡邑傳腐儒粗糲每相懸
憂時已罄三旬早負郎徒誇二頃田

其十一

高原渥澤已全殊塌地早禾尚可須
早擬降霖弥大野莫令更戍起寰區

其十二

亂石平橋曲檻重每來波浪小池通
臨流欲濯滄浪足捲地何堪赤日風

其十三

小院群峰十尺臺峒蘿崖竹裊崔嵬
騎陽殺雨俄朱夏鉅石藏雲幾綠苔

其十四

齒齒臨風花不稀芙蓉當夏葉初肥即看藻荇池邊
盡那有鳧鷖水上飛

其十五

白石清沙處處蒲碧欄朱檻接紛敷端宜細雨孤罇
共不分乾風一夜枯

大水登石磯山歸簡天岳山人二首

雪灑雷濤萬里奔中流白日自黃昏孤槎昨上蓬瀛
頂絕壁仙游孰共捫

其二

萬壑波濤觸地來眼收烟海釣魚臺知君不廢臨淵

興拄杖相期一日回

東園秋至鮮菊移之母氏太宜人圃中敬爲二
絕句

蕙圃芝園菊正稀深秋風雨賜來肥即看玉樹輝瑤
檻擬借金罇奉綵衣

其二

細葉高枝剩足攀綠罇欄檻賞無還群芳搖落孤英
日正似僊人不老顏

用韻荅譚君見贈二絕句

浪擬文章是一家每從梨棗媿殊葩清尊麗句須頻

過江上茅堂即浣花

其二

才力中興知幾許力回倒瀾挽頽川縱令何李齊居
後未必咸韶肯讓先

入武昌別諸君

鄂渚同游舊有文重來孤棹屬秋分滄江白髮慚爲
客黃鶴清尊定憶君

戲簡南湖謝翁四絕句

平原西下鹿湖村五柳先生暫閉門晴日暝烟初臥
起放歌誰與共清尊

其二

鏡湖南望草堂開白髮仙翁策杖回欲假青錢呼市
醕夜涼風雨洗天來

其三

流水桃花夾岸紅野橋平路轉相通隨風莫放仙舟
去怕引凡人入洞中

其四

短髮閒居任世情白頭相過每林垞芳壺有意聊須
待俗客如來莫浪迎

贈蓮戲簡南湖大夫

自美開花十丈蓮彩雲珠露裊晴天殘根剩蒂雖牢
落贈爾聊供鑑浦船

種菊東籬舊頗賒人傳彭澤是吾家仙姿帶雨分移
去斗酒期同九日花

選得容顏入上陽競將歌舞候君王那知白髮蕭條
盡不帶寒鴉片日光

其二

舊寵昭陽次第新西宮明月照長春含悽可怨君恩

薄尚有生平望幸人

其三

綠水紅蕖滿御溝桂橈蘭棹共仙舟君恩不及荷間
露妾命空如水上漚

其四

平明奉帚入金扉卓午焚香焚御衣盡向漢宮嗟薄
命不知雲雨自來稀

新婚詞四首贈謝子同父納室

珠簾遲日靄華堂錦帳明星燁洞房同蒂更誇新齒
齒孤飛那羨舊鴛鴦

其二

紅燭高停夜不孤
翠眉輕掃日將初
低聲耳畔慚夫婿
歛袂堂前憶舅姑

其三

仙人羸女出蓬瀛
霧縠雲旗下太清
引鳳玉簫元有伴
配牽牛銀漢本無情

其四

明粧澹沲映瑤璫
舉案溫恭奉玉郎
夜久畫生蘭室氣
秋來先有桂花香

絕句四首戲贈張子納姬

畫欄朱箔映高樓
銀漢盈盈一水流
淡掃蛾眉當靜夜
咲看牛女會秋新

其二

峽雲巫雨快相移
桃葉楊枝喜共宜
戶外且須拋短犢
河東無用吼新獅

其三

明粧寶靨照顏芳
絡臂珠列畫堂已
低聲調玉燭不妨
纖手卸瑤璫

其四

黃金無用教琵琶
玉樹瓊芝望正賒
寄語畫眉青鬢

客莫將容易負年華

用韻荅謝君見懷二絕句

蒼雲細雨靜柴門
白水春風野外昏
伏枕鶯花虛澤國
釣竿漁笛自汀村

其二

春開桃柳爛春溪
暮倚幽欄一水西
冒雨即愁遠泛竿
衝泥俄幸接封題

春日石磯山贈僧

飛花携伴及春游
相見高僧欲白頭
一咲厖谿人共返
萬山斜日照林丘

折芍藥贈南湖謝翁戲作絕句

歲歲花時賞不逢
冥冥風雨一尊空
丹房紫萼餘枝在
折取雲霞寄渚宮

謝氏草堂十絕句用韻

乍起林居寄碧波
林鷺芳樹錦含梭
春搖弄影垂烟細
暮轉啼聲帶雨多

歸計魚梁漁興豪
跳波映日群魚高
綸竿泛舸供長晝
江海行舟謝遠濤

滄江龍虎赤城山
萬樹松杉擁翠鬟
賸有烟霞輸暮景
賴隨欄檻破春顏

新涼時泛草堂前坐炳青藜列衆賢欲挽太平調玉
燭可辭長夜倚瑤編

綠葉朱花碧水池清香更著延賓帷聊同鑑浦供幽
興不用耶溪動遠思

曲池新蒲一望中紫稍翠葉並剪工何須蕙蔭紉湘
渚恰有芳香散楚宮

六經聊下董生帷冠蓋青衿日問師已借簡編疇夕
晷更勞鐘鼓報昕時

五城十樓森若仙丹梯回望懷攀緣分明影落平湖
裡縹緲暈飛碧漢邊

南湖北湖連翠坪石橋水長波流平行人度處常供
畫汎鳥來時不記名

箐柵潢溪未息戈飛符馳檄使車多郊亭驛路憑欄
外落日塵沙柰爾何

送醫還江西二首

東迤彭蠡接滄浪南下孤舟引興長滕閣便應瞻故
國章臺元不是他鄉

其二

消渴文園病未除因君聊得賦閒居孤舟此夜江鄉
客明日相思萬里餘

終集卷十一
五十一
菱港遇平客作

北風驅牧下瀟湘
久客年華雪鬢長
明月故人今夕酒
萬山西去路微茫

贈同遊傅子用宗二首

黃帽青鞋勝地盟
偶來相伴碧山行
飛騰萬壑攀蘿去
翹首獅峰媿汝情

欲觀龍迹訪龍山
盡日同君絕頂還
聊傍薜蘿穿洞口
即看雷雨徧人間

贈譚翁

譚翁老伴溪山臥
拄杖垂竿折角巾
亦是涓濱漁釣

者後車誰載白頭人

將遊仙鵝值雨簡戴子

附

山昏水漲拍溪流
訪載難移剡曲舟
孤棹短筇誰劇得
及晴吾擬墨峰游

戲題銀注子

傾銀注玉倒孤尊
聊爲田家代瓦盆
萬事總看催白髮
一杯無惜坐黃昏

寄兒岳陽四絕句

湖上狂風吹急湍
繫帆沙舸渡應難
鵬騫鳳舉惟身重
野岸汀村慎自寬

青衿馳試郡公堂落筆諸篇盡老蒼小屈文章元國
手平生跬步阻時昌
昨信傳渠試學臺三千多士解憐才暗途莫懼無因
擲明月須看有價裁
湖上新成百尺樓郡公書乞紀重脩雄模鉅構文須
慎次第工師爲訪求

壽雲詞四首贈后泉兄納姬

白髮西汜權獨歸彩雲南國願無違魂隨楚澤陰晴
共影逐巫山早晚飛
欲倚彭晡續後塵試從爐鼎借長春玉簫宛轉來羸

女羅鞮憑凌見洛神

風塵朝暮憶歸閒五十郎官五十還不學絳桃辭瘴
海且同樊素伴香山

桃葉桃根實並繁野翁無奈壯心存莫耽楚帳虛雲
雨便接燕山種子孫

秋日過殤孫塚

秋風荒塚遽蒿萊啼鴉鳴鳩晚共哀夢裏尚看扶我
去塋間那遣憶渠來

早望墨峰寄蕭甥四絕句

墨頂玄峰盡不雲野田霖霖遣誰聞艱難念爾謀生

處山木蒼蒼落日曛

家人產業爾能知門戶征求力共持幸有倉箱餘斗

堂問字傳經白日長莫倚棹機事

急頓令絃誦講筵荒

昨看雲起石門山小雨沾濡僅破顏聞爾薄田猶赤
日幾時天與漢陰閒

洞連漁人續集卷之十一終